

Conzert d'Advënt: chësta domënia ai 18 de dezëmber dales 17:00 cun i grups y cors de Badia te dlijia da S.Linert.

Conzert da Nadé: la Scora de Musiga tëgn chësc conzert en mercuri ai 21 de dezëmber dales 18:00 tla dlijia de Badia. Al cianta y sona scolares/ scolars dla Scora de Musiga dla Val Badia. Düc é dër bel inviá da gni a ascuté sö les beles melodies y cianties che vëgn portades dant.



En vëndres, ai 23 de dezëmber complësc **Rudi Valentin** da Fussé **85** agn. Le Senioreclub y düta la Comunité ti aoda düc l'bun, sanité y benedisciun de Dî.

Portina por l'assistënza y la cura é preodüda tl Raiun Sozio-sanitar Val Badia. Chiló él da ciáfë informaziuns sura l'assistënza y la cura de familiars y porsones che á bojëgn de guern, sides a ciasa, te Ciasa de Palsa o ince l'assistënza infermieristica a ciasa. Ara é daverta lönesc, mercuri y vëndres (14:00 – 16:00) mertesc y jöbia (10:00 – 12:00) te Raiun Sozio-sanitar a Picolin tla pröma alzada. Le numer de telefon tratan i orars de daurida é 0474/586137 o 0474/586138.

NATALE DEL SIGNORE

É UN DIO DI POVERTÁ

CHE NASCE SULLA TERRA E NELLA PAGLIA,


CHE CAMMINA NELLA POLVERE E

TERMINA IL SUO CAMMINO DISTESO SULLA TERRA.

Impressum: Ploania Badia, redaziun Cristina Frena

Comunicaziuns cina jöbia séra a parrocchiabadia@libero.it o frencri549@gmail.com

Download plata: www.valbadiaonline.it/comunite/ploanies/ploanies/ploania-badia.html



Plata dla Ploania

Badia

San Iaco - San Linert

Ploan: **Siur Iaco Wendelin Willeit**

Calonia Badia: **0471/839571**

E-Mail: parrocchiabadia@libero.it

Radio dla Ploania: **91,10 Mhz**

UNITÉ PASTORALA




www.unitepastorala.org

Ann A

18.12. - 25.12.2016

4^a Domënia de Advënt

n. 04



**Gottes Willen
erkennen
und
erfüllen**

4. ADVENT

Vangele dla proscima domënia - Festa de Nadé

Jan 1,1-5, 9-14

Tl pröm èl la Parora, y la Parora è pro Idí, y la Parora è Idí. Tl pröm èra pro Idí. Döt é diventé tres la Parora, y zënza la Parora ne n'él devené nia de ci che é diventé. Te èra èl la vita, y la vita è la löm dla jënt. Y la löm lomina tla scurité, y la scurité ne l'á nia tuta sö.

La dërta löm, che ilominëia vigni chestian, é gnüda tl monn. Èl é tl monn, y le monn é diventé tres èl, mo le monn ne l'á nia conesciü. Al é gnü te süa proprieté, mo i sü ne l'á nia tut sö. Mo a düc chi che l'á tut sö, ti ál dé la potesté de gni fis de Dî, a düc chi che creï te so inom, chi che nia dal sanch, nia dala orené dla cern, nia dala orenté dl èl, mo da Idí é nasciüs. Y la Parora é gnüda cern y á abité danter nos, y nos un odü süa gloria, la gloria dl Fi su dl Pere, plëgn de grazia y de verité.

FUNZIUNS SACRES

18.12. 4^a DOMÈNIA de Advënt / ann A

10.00 Mëssa por la Comunità

19.30 RORATE: Cor de dljia y chi dai confaruns (cianta cor dljia)

†to Milio Valentini da Pedraces - aniversar
por fam. Maria Nagler Valentini
†ti de Erica Canins y familia
por defunc profugs

19.12. Lünesc

07.30 Les Laudes

20.12. Mertesc -

19.30 RORATE: Amará y sorvisc soziai (cianta l'terzet)

†ta Angela Valentini - aniversar
†to Franz Pescollderungg – aniversar
†ti Paul y Afra Declara - aniversar

21.12. Mercui - Mëssa cun i scolars

07.30 †to Armando Bertoldi - aniversar

†ta Angela Irsara de Piz – aniversar
†ta Tekla Valentin

22.12. Jöbia

19.30 RORATE: defunc di ultimi 10 agn (sona strumënc)

†to Franz Burchia – aniversar
†ta Eveline Rudiferia - aniversar
†to Erich Dapunt (dal KVV)

23.12. Vëndres

19.30 RORATE: Aministraziun de Comun (sona i Turmbläser)

†ti Vico, Lina y Maria Alfarei
†ta Maria Pitscheider da Ruac
†ta Zenzl Pitscheider

24.12. Sabeda – Vöia de Nadé

15.00 Madovines cun i mituns

22.30 Melodies y cianties da Nadé cun i Turmbläser

23.00 Mëssa solena de MADOVINES

25.12. **FESTA DE NADÉ DL SIGNUR**

10.00 Mëssa solena ciantada por la Comunità

15.00 Öspi da festa de Nadé

18.00 †ti don Bruno Majoni y Vica Piccolruaz - aniversar

†ta Clara Pescoller / por defunc proi

Dala VITA dla CÜRA

Advënt - Rorate - Nadé

Un albü n bel Advënt lisier, un ince albü saurí da gni ai Rorate. Tröc á daidé cun cianté, soné, sorví y perié. Dër bel giulan.

I jun cuntra le Nadé y les ultimes preparaziuns cun la vijita ai amará, magari ince cun na confesciun.

Le “Rorate coeli” se müda in “Puer natus est nobis”.

Siur Degan



Confesciuns en preparaziun a Nadé

domènia (18.12.) dales 18:30 ales 19:30

vëndres (23.12.) dales 18:45 ales 19:15

Vöia de Nadé dales 08:00 ales 09:00

Festa de Nadé dales 08:00 ales 09:00

por scolars (vëndres 23.12.) dales 17:00 ales 18:00

Comuniun ai amará: en preparaziun ala festa de Nadé vá siur Degan en jöbia y vëndres de chëst'edema a proveder.



La „Lüm da Betlehem“ vëgn indô portada dala schira jonila ai 24 de dezëmber, vöia de Nadé, tratan les madovines da domisdé. Chi che ó la porté a ciasa dess se tó para na linterna.

Dal'oferta de Advënt él gnü trat ite € 631,09. Dër bel giulan a düc y Dî s'al paies.

Tla 4^a Edema d'Advënt s'arjignunse ca por les Festes da Nadé, cun deplö significat ales beles usanzas y tradiziuns cristianes.